


Jean BODIN

1597



vaux, & oiseaux, & le plus souvent les hommes mesme sont suffoquez, ou pour le moins poussez en rage & fureur.

TH. Qui sont les bestes outre les Porceaux, qui ont les dents eminentes hors la gueule? M. L'Elephant, l'Hippopotame, & la beste du Muschs, desquels nous auons desia parlé.

TH. Quelle chose a l'Elephant plus que les autres bestes? M. Vne grande corpulance, vne rare sagesse, & vne longue durée de vie: d'auantage, il a les cornes quelques fois tant grandes, qu'elles pesent plus de 220. liures.

TH. Quelle chose est moyenne entre les bestes à corne & celles, qui ont les dents eminentes hors la gorge? M. L'Elephant.

TH. Pourquoi cela? M. Parce que ses dents sortent du cerueau, comme les cornes & non pas de la mandibule, comme les autres dents, elles sont d'auantage plouyables en tous costez, comme on peut veoir aux arcs & cercles, & en plusieurs autres sortes d'instruments & vtenfiles, lesquels sont ouuragez par la main de l'ouoirier, ce qui n'est propre à la nature des dents, qui est fragile est mal-traitable.

TH. Quelle chose s'approche à la grandeur de l'Elephant? M. Le Rhinocerot; lequel combien qu'il ne soit si grand que l'Elephant, neantmoins estât armé d'une corne & d'une cuirasse plus dure que le fer attaque vaillamment son ennemy & le met le plus souvent par terre.

TH. En quoy differe le Rhinocerot du Monocerot? M. Le Rhinocerot est armé d'une double corne, mais il en a vne, qui est plus petite que l'autre

l'autre: il y a deux especes de Monoceros: l'une, laquelle les Grecs² appellent *Όρνξ*, & l'autre³ laquelle nous appellons Asne Indique. ie pense que Serapion & le reste des Arabes entendent par cestuy-cy le *Moschos*, car l'Asne sauvage n'a point de cornes, mais ils disent que le *Moschos* est vne espece de Cheureul, lequel a des cornes, & des dents eminentes hors la gueulle: on peut par ecy entendre qu'Aristote s'est deçeu, quand il a resolu asseurement, qu'il n'y auoit point de beste cornue, qui eust les dents eminentes; ou en forme de Sie: ie n'aurois icy asseurer de laquelle de ces deux bestes est la corne, qui se void à S. Denis en France; toutes-fois elle a plus de six pieds en longueur estant tellement creuse, qu'elle pourroit tenir en sa cavitè plus d'une Quarre de liqueur; on luy attribue d'admirables vertus contre le venin, le commun l'appelle Licorne.

T H. N'y a il pas aussi quelque propriété occulte aux cornes du Cerf, qui surgenent abondamment tous les ans? M r. Je n'aurois temerairement asseurer qu'elle propriété occulte elles ont, toutes-fois il est tres-certain que les Serpents s'enfuyent par le seul flair de leur fumee, & qu'il n'y a meilleur remede contre les lombris, que de boire quelque peu de leur radeure pour les faire mourir.

T H. D'où vient qu'il n'y a aucune sorte des animaux, qui laisse tomber ses cornes tous les ans, sinon des Cerfs? M r. De ce qu'ils ont les cornes massives, & les autres les ont caues, ce que demonstre appertement, que ceux-cy ont moins

² Aristote au
2. l. de l'Histoire
des animaux
chap. 1.